


國立故宮博物院珍藏




清代起居注冊

咸豐朝

第十二冊

國立故宮博物院珍藏



咸豐三年三月上……六七一七
咸豐三年三月下……六八八一
咸豐三年四月上……七〇四五
咸豐三年四月下……七一七七

清代起居注冊

咸豐朝 第十二冊

清代起居注冊——咸豐朝

(清)沈兆霖等奉敕撰 民國72年 臺北市 聯合報
文化基金會國學文獻館印行 影印本

57冊 21公分

據國立故宮博物院藏手稿本影印

聯經出版事業公司總經銷

I. (清)沈兆霖等奉敕撰

654.77

7467

72

NT\$ 86,000.00

72 · 12 · 0650

· 89007112 ·

清代起居注冊

咸豐朝第十二冊

資料提供者 國立故宮博物院

景印者 聯合報文化基金會國學文獻館

發行人 王必成

發行者 聯經出版事業公司

臺北市忠孝東路四段五五七號

電話：七六〇一六一六—二三一七

郵撥：一〇〇五五九號

行政院新聞局登記證局版臺業字〇一三〇號
保有版權·翻印必究

中華民國七十二年十二月初版

咸同兩朝共壹佰冊
定價每部新台幣八六〇〇〇元

新學堂
PDG

咸豐三年歲次癸丑七月初一日甲辰內閣
奉

諭旨翁心存宗元醇奏兵丁過境滋擾請旨飭查
懲辦一摺盛京四起官兵行抵薊州之邦均站
經該州將飯食車馬等項照例應付該兵丁膽
敢多索車輛騾頭擅責書役致將車夫楊受福
歐傷實屬目無法紀著帶兵副都統維祿即將

沿途滋擾傷人之兵丁查明解交直隸總督即飭通水道審訊明確分別懲辦該營總不能約束兵丁致令滋擾並著查明交部照例議處以申紀律而肅戎行又奉

諭旨琦善等奏三汊河擊賊大獲勝仗一摺並浦口擊退賊船等語據稱六月十九日瓜州賊匪分為三股直撲三汊河營盤經該大臣等督飭

官兵分頭迎擊遊擊安勇於揚子橋堵截賊匪
蜂擁而來當即開放槍礮擊斃無數該逆遁走
該遊擊追剿擊斃執黃旗賊目三名轟斃賊匪
百餘名擊沈賊船溺斃百餘名並擊斃大賊目
一名遊擊黃志配在分水龍王廟口與賊接仗
自寅至巳殺斃賊匪無算餘匪逃竄都司毛三
元瞭見賊船迎放銅鐵各礮轟燬賊船五隻剝

船二隻另股賊匪由河西編筏渡河侍衛德興
阿帶領馬隊會同安勇黃志配與毛三元奮力
進攻直抵賊隊殺斃二百餘名擊沈賊船多隻
賊衆潰竄我兵追至河干該逆窮蹙紛紛落水
淹斃百餘名奪獲銅礮一尊旗幟多件其浦口
賊船於六月二十一日經武慶開隆阿西昌阿
伊興額等帶兵迎剿燒燬賊船十餘隻生擒十

九人落水淹斃者不計其數奪獲槍礮旗幟器械多件又獲木筏三隻小船五隻其逃往南岸船隻又經巡哨弁兵奪獲並搜獲賊匪三名內有偽總帥李是占一名該逆由瓜洲竄踞虹橋意欲由水路竄至揚州與城中賊匪勾結現經我兵於三汊河痛加剿洗又於浦口擊退賊船該大臣等正可乘此聲勢併力進攻迅即克復

揚城毋再延緩又奉

諭旨勞崇光奏會匪擁入縣城直撲省垣旋經克
復擊退各一摺廣西興安縣屬馬坪村匪徒聚
眾拜會經該縣知縣蔡映符前往查拏輒敢糾
約夥黨闖入縣城戕官奪犯復竄入靈川縣城
盤踞經該撫先派臬司許祥光候補知府張其
翰馳往剿辦該匪膽敢擁眾出城開礮抗拒許

祥光督飭兵勇三面夾攻殺斃騎馬賊目十餘
名賊夥五六百名生擒騎馬賊目十一名賊夥
七十四名奪獲礮械牛馬多件該匪入城拒守
復經兵勇分路進攻始行棄城逃竄約計復斃
賊匪一千餘名生擒一百三十五名即將縣城
克復其分股屯紮海洋坪之匪猶敢自熊村一
帶直撲桂林省垣經遊擊福格右江道張敬修

水陸進剿擒斬多名該匪退入民房藏匿經各路壯勇放火焚燒兜擊通計殺斃燒斃賊匪約二千名生擒六十餘名餘匪翻山四竄省城內外均極安謐此股會匪倉卒肆擾連入二城分竄數處狂悖已極現在靈川縣城業已克復桂林撲城之匪亦已擊退即著乘勝追剿迅速撲滅毋任蔓延巡撫勞崇光提督惠慶於縣城失

事未能先事豫防均著交部議處靈川縣知縣
聯凱防守未能周密致令賊匪闌入咎無可辭
姑念其隨同臬司收城出力著即革職免其治
罪仍責令帶兵追剿以觀後效候補知府張其
翰先抵靈川雖因賊眾兵單致令縣城失事究
係救援不力著交部議處其興安縣知縣蔡映
符及同城文武著該撫迅速查明具奏該部知

道又奉

諭旨勞崇光奏叅疎防土匪劫獄之知縣各員等
語廣西恭城縣屬大眼停爐丹皮等村匪徒糾
眾屯聚膽敢分股爬城直至縣監將監犯劫出
仍由原處越城逃竄並有拒傷壯丁情事似此
目無法紀實屬情同叛逆該署縣高環等事前
既疎於防範臨時又不能實力掩捕均屬咎無

可辭署恭城縣事揀發知縣高環署恭城縣典
史試用從九品施廷槐恭城汛把總趙步瀛均
著革職留於該地方勒限協緝逃匪並被刼監
犯務獲究辦限滿有無弋獲再行分別覈辦餘
著照所議辦理該部知道又奉

諭旨勞崇光奏請飭催道府州縣各員迅速赴任
等語新任廣西左江道達鏞前經李德奏留辦

理防堵現在恩華軍營差委達鏞著 留於山

東以道員補用潯州府知府高應元前已有旨
發往河南軍營差委著即留於河南以知府用
其現未到任之廣西桂平鬱梧道謝元淮陽朔
縣知縣申祥平樂縣知縣魏文元修仁縣知縣
吳朝鳳新甯州知州汪元崇象州知州盧承薰
岑溪縣知縣王丹及揀發廣西委用之知州劉

德鈞等三員知縣江載愔等七員並特旨發往
廣西之知府樊恩熙均著該部飭催各迅速前
赴廣西聽候差委如再遲延即行查明叅奏又
奉

諭旨勞崇光奏右江壯勇擊匪出力懇恩獎勵等
語廣東藍翎武舉候選衛千總張鑑著以衛守
備歸部即行選用並賞換花翎千總銜藍翎勇

目陶昌培著賞加守備銜並賞換花翎以示鼓勵該部知道又奉

諭旨廣西左江道員缺著姚錫華補授又奉

諭旨廣西潯州府知府員缺著張鵬萬補授又奉

諭旨鴻臚寺卿祥泰奏保堪赴軍營差委之舉人

一摺鑲白旗漢軍舉人王應奎著交訥爾經額

軍營差遣委用又奉